

**IZVJEŠTAJ O RADU V.D. DIREKTORA**  
**Javne ustanove Terapijske zajednice - Kampus Kantona Sarajevo**  
**za period 01.01.2020. godine do 30.06.2020. godine**

**1. Unapređenje terapijskog i radno-okupacionog rada s korisnicima i članovima njihovih porodica**

- Unapređenje terapijskog rada s korisnicima i korisnicama uz primjenu Inoviranog programa tretmana i Pravilnika o kućnom redu i uz donošenje Pravilnika o procedurama za provođenje tretmana

U skladu sa ranije usvojenim pravilnicima formiran je Stručni tim za prijem i otpust korisnika koji je po potrebi organizirao sjednice i za svakog prijavljenog korisnika pisao mišljenje o prijemu na osnovu kojeg je realizirana daljnja procedura u vezi s prijemom korisnika. Također, Komisija za prijem i otpust korisnika se sastajala prije nego što se realizira otpust korisnika, bilo da završava tretman, napušta tretman ili je isključen iz tretmana zbog kršenja eliminatorskih pravila.

Formiran je i stručni tim za tretman koji se sastajao jedanput sedmično i donosio je mišljenje o izlasku korisnika na vikend i drugim pitanjima koja se tiču tretmana korisnika Kampusu.

Uvedeno je pisanje izvještaja o rehabilitacijskom tretmanu za sve korisnike koji su bili uključeni u rezidencijalni tretman u Kampusu koji se, po njihovom izlasku, dostavlja KJU Kantonalnom centru za socijalni rad.

- Realizacija stručnih i iskustvenih predavanja za korisnike i korisnice

- Boro Goić, predsjednik Udruženja „Proslavi oporavak“, Oporavak od ovisnosti – izazovi i benefiti
- Dženana Kuluglija, dipl. psih., porodični savjetnik, KJU „Porodično savjetovalište“ Sarajevo, Uloga porodice u oporavku od ovisnosti

- Vođenje grupa samopodrške

Uspostavljena je saradnja sa Udruženjem za istraživanje, edukaciju i psihosocijalnu podršku – Tavan. Psihoterapeuti i članovi Udruženja Tavan u redovnim terminima dva puta mjesečno volonterski vode grupe samopodrške. Na grupama su prisutni i stručni uposlenici naše Ustanove koji su suvoditelji. Na taj način su stekli dodatno iskustvo vođenja grupa samopodrške.

- Saradnja sa Udruženjem studenata psihologije - SINAPSA

Potpisan je Protokol o saradnji sa Udruženjem studenata psihologije – SINAPSA. Studenti master studija dolaze dva puta mjesečno i realiziraju radionice sa korisnicima. Radionice se realiziraju uz mentorstvo prof.dr. Amele Dautbegović i naših stručnih uposlenika. Studenti radionice održavaju volonterski u okviru rada u Udruženju SINAPSA.

- Realizacija grupa podrške i terapijskog rada s porodicama korisnika

Nakon višegodišnje pauze u realizaciji grupnih porodičnih terapija za članove porodica korisnika i korisnica započelo se sa njihovom implementacijom u 2019 godini, a nastavljena u 2020 godini. Saradnja sa članovima porodice je od izuzetnog značaja, te je izrađen program terapijskog rada s porodicama koji podrazumijeva mjesečne grupne i individualne susrete na osnovu individualnog plana tretmana za korisnika.

- Izrađen Plan supervizije

Nakon što je usvojen Pravilnik o provođenju supervizije u ustanovama socijalne zaštite u Kantonu Sarajevo izrađen je Plan supervizije koji obuhvata: cilj supervizije, fokus supervizije, oblasti i teme supervizije, te druge elemente koje Plan treba sadržavati.

## **2. Unapređenje saradnje sa drugim ustanovama i organizacijama**

- Odlazak na obilježavanje godišnjice KJU Doma za djecu bez roditeljskog staranja Bjelave

Dana 16.01.2020. godine v.d.direktorice Sanela Pekić je sa saradnicima prisustvovala obilježavanju 120 godina postojanja KJU Doma za djecu bez roditeljskog staranja Bjelave. Manifestacija je održana u Gradskoj Vijećnici.

- Saradnja sa KPZ Zenica

Ranije uspostavljena saradnja sa KPZ Zenica je nastavljena i u 2020. godini kako bi se realizirao projekat „Terapijska zajednica u zatvoru“. Dana, 20.02.2020. godine Kampus je posjetio direktor KPZ Zenica gosp. Redžo Kahrić sa saradnicima. Na sastanku se razgovaralo o konkretnim aktivnostima koje će se provoditi u narednom periodu.

- Saradnja sa KPZ Sarajevo

V.d. direktorice Sanela Pekić sa saradnicima je posjetila KPZ Sarajevo dana 26.02.2020. godine i sudjelovala na sastanku sa pomoćnikom direktora za tretman osuđenika KPZ Sarajevo gosp. Jasminom Taranišem. Na sastanku je dogovoren termin predstavljanja naše Ustanove osuđenima kako bi ih se motivisalo da se nakon boravka u zatvoru uključe u tretman u Kampusu.

- Saradnja sa Zavodom za bolesti ovisnosti Kantona Sarajevo

Potpisan je Protokol o saradnji sa Zavodom za bolesti ovisnosti Kantona Sarajevo čime je formalizirana dugogodišnja saradnja između Zavoda i Kampusu.

- Saradnja sa Kantonalnim centrom za socijalni rad

U našu Ustanovu korisnici ulaze na osnovu rješenja Kantonalnog centra za socijalni rad. Stoga nam je značajna saradnja sa ovom Javnom ustanovom. Održan sastanak u Kampusu sa direktorom KJU



Kantonalnog centra za socijalni rad Sarajevo i šefovima službi socijalne zaštite. Na sastanku je prezentiran rad Kampusu i diskutovalo se o konkretnim izazovima u saradnji kako bi se našla optimalna rješenja.

- Saradnja sa Ministarstvom unutrašnjih poslova Kantona Sarajevo

Kampus je posjetio ministar Ismir Jusko sa Načelnikom sektora uniformisane policije MUP-a KS Džaferom Hrvatom. Posjeta je realizirana dana 03.06.2020. godine. Razgovaralo se o unapređenju saradnje i mogućnostima zajedničke realizacije kampanja i drugih projekata koji će doprinijeti kvalitetnijem tretmanu, resocijalizaciji i socijalnoj integraciji korisnika Kampusu.

Ministar Jusko je nakon posjete Kampusu pokrenuo inicijativu besplatnog školovanja korisnika Kampusu koju je uputio prema Vladi i drugim resorima.

### **3. Profesionalna podrška i edukacija kadra**

- Projekat „Ambasadori prevencije ovisnosti“

Udruženje za prevenciju ovisnosti NARKO-NE i Asocijacija socijalnih radnika Kantona Sarajevo realiziralo je trening za stručnjake koji se bave oblastima prevencije ovisnosti i unapređenja zdravlja, te stručnjacima koji su u direktnom radu i kontaktu s djecom i mladima. Tako su u hotelu Holiday od 21. do 23. januara 2020. godine održane dvije uvodne edukacije za sve koji su izrazili interesovanje za dalje napredovanje u oblasti prevencije ovisnosti. Na edukaciji su učestvovali i uposlenici Kampusu.

- Nastavak edukacije u okviru projekta „Ambasadori prevencije ovisnosti“

U periodu od 10. do 11. marta 2020. godine u hotelu Holiday u Sarajevu, u okviru projekta Ambasadori prevencije ovisnosti, održane su napredne edukacije za stručna lica u cilju poboljšanja i profesionaliziranja pristupa prevenciji ovisničkih i rizičnih ponašanja s djecom i mladima. Na edukaciji su učestvovali i uposlenici Kampusu.

- Supervizija za stručne saradnike

S ciljem prevencije stresa i profesionalnog sagorijevanja realizirana je supervizija u smislu psihosocijalne podrške pomagačima za stručne saradnike koji direktno rade s korisnicima.

Superviziju volonterski vodi Mirjana Gavrić koja je u procesu edukacije za supervizora uz mentorstvo svojih učitelja.

### **4. Upućen Zahtjev za akreditaciju dugoročnog volontiranja prema Federalnom ministarstvu pravde**

### **5. Dostavljen komentar na Prednacrt Zakona o zaštiti mentalnog zdravlja kako bi se uskladio sa drugim zakonima koji predviđaju terapijsku zajednicu kao oblik pružanja tretmana osobama ovisnim o psihoaktivnim supstancama.**

## **6. Učestvovanje u projektu povećanja energijske efikasnosti objekata javnih ustanova u Kantonu Sarajevo**

Naša Ustanova je obuhvaćena projektom povećanja energijske efikasnosti objekata javnih ustanova u Kantonu Sarajevo u 2019. godini. Ovaj projekt finansiraju Vlada Švedske, Ministarstvo prostornog uređenja, građenja i zaštite okoliša KS, općine i Fond za zaštitu okoliša Federacije Bosne i Hercegovine. Implementator je UNDP u sklopu projekta "Zeleni ekonomski razvoj".

U 2020. godini **završeni su građevinski, kao i radovi na ugradnji novog sistema zagrijavanja.** Realizirani su radovi termoizolacije i zamjene fasadne stolarije, te postavljanje solarnih ploča na krovovima oba objekta u sklopu projekta povećanja energijske efikasnosti objekata javnih ustanova u Kantonu Sarajevo. U okviru projekta Ustanova je dobila peć na pelet u jednom objektu.

## **7. Poduzete mjere prevencije zaraze koronavirusom (COVID-19)**

U martu mjesecu 2020. godine proglašeno je vanredno stanje uzrokovano pandemijom koronavirusa – COVID-19, što je dovelo do obustavljanja ulaska u ustanove socijalne zaštite od strane vanjskih saradnika, zabrana izlaska korisnika i zabrana posjeta korisnicima koji su smješteni u ustanove socijalne zaštite.

Napravljeni su različiti protokoli za ulazak dobavljača i roba u Kampus, protokoli o dezinfekciji i drugi protokoli koje je naložilo Ministarstvo za rad, socijalnu politiku, raseljena lica i izbjeglice Kantona Sarajevo. Svo vrijeme su krizni štabovi FBiH i KS nalagali mjere koje su ustanove morale poštovati. Također je napravljen trijažni punkt u šatoru koji je donirala Civilna zaštita našoj Ustanovi.

Svake sedmice su dostavljani izvještaji u vezi sa praćenjem stanja povezanog sa koronavirusom Epidemiološkoj službi JU „Zavoda za javno zdravstvo“ Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo.

Nabavljane su maske i dezinfekcijska sredstva koja su dostavljana uposlenicima, na ulazu u Kampus se svima mjerila temperatura. Kako bi se smanjila koncentracija ljudi koji su prisutni u Kampusu napravljen je raspored uposlenika kako bi se prilagodili preporukama Kriznog štaba s ciljem prevencije zaraze koronavirusom COVID-19.

Kako bi se pratilo provođenje mjera i protokola u Kampus je dolazio dr. Željko Ler zajedno sa ministricom gđom. Jasnom Agić iz našeg resornog ministarstva.

U ovom periodu nijedan korisnik nije bio zaražen koronavirusom COVID-19. Više uposlenika je bilo u samoizolaciji zbog kontakata sa zaraženim osobama, te nisu dolazili na posao kako bi se spriječio eventualni prenos virusa na korisnike i druge uposlenike.

## **8. Započeta procedura usklađivanja rada ambulante u skladu sa Pravilnikom o uvjetima prostora, opreme i kadrakojim se osiguravaju mjere zdravstvene zaštite za obavljanje zdravstvene zaštite na području Kantona Sarajevo**

Nakon što je zaprimljen dopis Ministarstva zdravstva Kantona Sarajevo sa navedenim uslovima koji Kampus treba ispuniti da bi se rad ambulante uskladio sa zakonskom procedurom poduzete su određene radnje. V.d.direktorice Sanela Pekić obavila je više razgovora i sastanaka sa predstavnicima



Ministarstva zdravstva Kantona Sarajevo kako bi utvrdila koji se koraci trebaju poduzeti. Potpisan je Protokol o saradnji sa Domovima zdravlja Kantona Sarajevo, planirana je nabavka određene opreme za ambulantu i upućen je dopis Ministarstvu zdravstva Kantona Sarajevo kako bi se dobilo tumačenje člana 6. Pravilnika o uvjetima prostora, opreme i kadra kojim se osiguravaju mjere zdravstvene zaštite za obavljanje zdravstvene zaštite na području Kantona Sarajevo.

**Broj: 35-01-01-338/21**

**Datum: mart 2020.godine**

